



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



RAPORTI I EKSPERTIT SHQYRTUES

Muhamet Kurtishaj	06.04.2022	14.04.2022	Nr.88/22
Emri dhe Mbiemri i eks. Shqyrtues dhe nënshkrimi	Data e autorizimit të ekspertit	Data e dorëzimit të raportit	Nr. i lëndës:

BAZA LIGJORE E SHQYRTIMIT

Me datën: 06.04.2022, OE “GIGI” SHPK ka parashtruar ankesën me nr.88/22, kundër vendimit për anulim të njoftimit, lidhur me aktivitetin e prokurimit “Furnizim me Kushineta” me nr. te prok. KEK-21-8268-121, iniciuar nga autoriteti kontraktues **Korporata Energjetike e Kosovës**.

Autoriteti kontraktues ka zbatuar procedurë të hapur, negociuar, kufizuar, lloji i kontratës: punë, furnizim, shërbim, vlera e parashikuar e kontratës: **32.393,00 €**.

Nëse është e përsëritur ankesa, të shënohet se lidhur me këtë lëndë është nxjerr një vendim i mëparshëm i OSHP-së, më Nr.

Konform nenit 113, 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE të OE “GIGI” SHPK

(Të përshkruhen dispozitat e shkelura dhe vetëm pikat e ankesës).

- Neni 1 i LPP - Qellimi
- Neni 6 i LPP – Ekonomiciteti dhe Efikasiteti
- Neni 7 i LPP – Barazia ne Trajtim/ Jo-Diskriminirru
- Neni 56 i LPP – Dispozitat e Përgjithshme mbi Përzgjedhjen e Pjesëmarrësve dhe Dhënien e Kontratave
- Neni 59 i LPP – Ekzaminimi, Vlerësimi dhe Krahësimi i Tenderëve
- Neni 60 i LPP – Kriteret për Dhënien e Kontratës
- Neni 62 i LPP – Përfundimi i Aktivitetit të Prokurimit

Pretendimet ankimore te parashtruara ne ankesën e deponuar ne OSHP, janë/nuk janë te njëjta.

Më datën 23.03.2022 përmes platëformës së E-prokurimit kemi pranuar LETER Standarde per Tenderuesin e Eliminuar dhe vendimin për anulimin e aktivitetit të prokurimit. AK-es anuloi aktivitetin e prokurimit me arsyetimin të plotësimit apo ndryshimit të specifikimit teknik ndërsa neve si Operator na eliminoi për këtë arsye:

Pas kontrollimit të detajuar të dosjes se tenderit dhe specifikimit teknik të detyrueshëm konstatohet se te Poz.6 Kushineta 6328 2Z C3 është bërë gabim teknik dhe duhet te jetë :
Poz.6 kushineta 6328 C3 standardi DIN 625-1
Rrjedhimisht për Poz.6 na duhet kushineta pa mbyllëse të boshllëqeve në të dy anët .

Ne si OE bëmë Kërkesën për Rishqyrtim pranë AK-es por rezultoi me vendimin e Autoritetit kontraktues si e pa bazuar.

Siç Siç provuam të shpjegojmë pran AK-es në kërkesën për rishqyrtim që oferta jonë ishte e saktë, e qartë,

korrekte dhe më e lira konform kërkesave të dosjes së tenderit edhe këtu do të ofrojmë shpjegimet shumë të sqaruara lidhur me shkeljet që n'a janë bërë neve si OE lidhur me aktivitetin në fjalë.

Në DT-it janë kërkuar 9 pozicione të ndryshme të kushinetave përfshirë edhe pozicionin e gjashtë "6328 2Z C3". Të gjashtë pozicionet e para janë kërkuar të jenë me sufikset (prapashtesat pas numrin të kushinetës) 2Z C3 dhe kjo "2Z" tregon që kushineta ka dy mbyllëse anësore në mënyrë që ta mbrojë yndyrën të qëndrojë brenda sferave të kushinetës. Kushineta me këto Mbyllëse montohet në ato raste kur vendi ku instalohet kushineta nuk ka mundësi të lubrifikohet me vaj apo yndyrë dhe për këtë arsye kërkohen kushineta me yndyrën e vetë dhe me mbyllëse për ta ruajtur lubrifikimin brenda sferave të kushinetës. Nëse vendi i instalimit është më vaj apo me mundësi të lubrifikohet më yndyrë atëherë gjatë instalimit kushinetës mund ti hiqet mbyllëset pa asnjë problem dhe të montohet edhe pa mbyllëse. Ne konstatojmë që refuzimi i ofertës tonë nga AK-es për shkak të këtyrë mbyllëse është edhe qesharak sepse nëse njëmend i nevojitet AK-es ky pozicion pa mbyllëse (pa 2Z) atëherë krejt çka u duhet është të ja heqin mbyllësen dhe ta instalojnë kushinetën.

Ne duke konsideruar që vlerësimin e ofertës tonë e ka bërë ndonjë komision apo anëtar i komisionit që nuk ka njohuri elementare me funksionimin dhe instalimin e kushinetave do të domostrojnë komponentet e kushinetës 6328 2Z C3 dhe cilido person që mund të jetë edhe jashtë fushës profesionale mund të kuptojë që arsyeja e refuzimit të ofertës tonë është absurde dhe tashmë jemi edhe të bindur që është e qëllimshme. Më poshtë shihni figurën_1



Figura 1.

Siç mund të shihni në figurën_1 të mësipërme saktësisht ju domostrojmë edhe elementet e kushinetës por edhe funksionin e tyre.

Më Poshtë ne po ju dërgojmë edhe praktikisht si është hequr mbyllësja e kushinetës dhe si mund të hiqni nëse vërtet ju duhet pa mbyllëse, shih figuren_2:



Në figurën 2 saktësisht mund të shihni si i është hequr mbyllesja dhe tani kushineta mund të montohet ashtu siç thoni ju pa mbyllëse. Ne ju ofruam edhe shpjegimin e mësipërm duke konsideruar që në komision vlerësues nuk ka qenë ndonjë person nga njësia kërkuuese e montimit por mund të kenë qenë vetëm anëtarë tjerë jashtë fushës profesionale sepse ndryshe edhe shpjegimi jonë nuk do të kishte kuptim sepse këto janë njohuri elementare që çdo montues apo instalues i kushinetave i din apo duhet t'i dijë.

Përveq anës që shpjeguam edhe sikur kjo kushineta nuk do të mund të instalohet në vendin e punës prap se prap aktiviteti i prokurimit lidhur me këtë nuk mund të anulohet sepse bie ndesh dhe është në kundërshtim me shumë nene të ligjit të Prokurimit publik. Ne përmendëm me lartë shumë nene por këtu do t'i veçojmë vetëm më kryesorët. Neni 56 pika 3 thotë:

E shihni që AK-es ka bërë shkelje të këtij neni sepse kërkesë në DT-it ishte kushineta 6328 2Z C3 dhe ne kemi ofertuar konform asaj kërkesë dhe AK-es tani nuk mund të përjashtojë apo diskualifikojë ofertën tonë.

Neni 59 pika 1 thotë:

“Autoriteti kontraktues do të themeloi një Komision Vlerësues për ekzaminimin, vlerësimin dhe krahasimin e ofertave. Të gjithë anëtarët e Komisionit Vlerësues marrin përgjegjësi të plotë individuale për vlerësimin e kryer të ofertës”

Lidhur me Nenin 59 pikën 1 sqarohet se anëtarët e komisionit vlerësues marrin përgjegjësi të plotë veç e veç. Atëherë ne kërkojmë përgjegjësinë e anëtarit ose anëtarëve që kanë shkelur ligjin e prokurimit publik gjatë vlerësimit të ofertës sonë. Bazuar në të dhënat e shënuara më lartë është shumë e kuptueshme se oferta e kompanisë sonë është oferta e përgjegjshme si nga aspekti teknik po ashtu edhe nga aspekti administrativ dhe se i plotëson të gjitha kërkesat e Autoritetit Kontraktues të paraqitura në Dosjen e Tenderit dhe Njoftimin për Kontratë. Pasi që oferta jonë është ofertë e përgjegjshme, konsiderojmë se vendimi për anulim të aktivitetit nga AK-es është në kundërshtim të plotë me nenin 62 të Ligjit të Prokurimit Publik. Nëse i referohemi përshkrimit të nenit të LPP shihet se asnjë nga kushtet e këtij neni të LPP nuk është plotësuar që të përfundohej aktiviteti i prokurimit. Oferta jonë është oferta me çmim më të lirë nga ofertat e përgjegjshme, prandaj është obligim i Autoritetit kontraktues që të zbatojë kriterin e dhënies së kontratës për këtë aktivitet të prokurimit dhe lenda të kthehet në rivlerësim dhe të na shpërblejë me kontratë, e jo të anulohet aktiviteti i prokurimit.

Prandaj kërkojmë nga OSHP që pas shqyrtimit të Ankesës tonë dhe verifikimit të fakteve të ofruara si dhe çdo herë duke u mbështetur në parimet dhe dispozitat e LPP-së, të marrë:

VENDIM

APROVOHET e bazuar Ankesa e OE GiGi SHPK ” nga Prishtina lidhur me tenderin “Furnizim me kushineta” i iniciuar nga KOPORATA ENERGJETIKE E KOSOVES sh.a.

ANULOHET vendimi i AK- KOPORATA ENERGJETIKE E KOSOVES sh.a. për Anulimin e aktivitetit të prokurimit dhe lenda të kthehet në rivlerësim e kjo të bëhet duke u bazuar plotësisht në kërkesat e dosjes së tenderit dhe dispozitat e LPP-së

KRITERET PËR VLERËSIM

Te vendosen vetëm kërkesa/kriteret që kanë të bëjnë me arsyet e eliminimit dhe / apo ato kërkesa që lidhen me pretendimet ankimore.

Arsyet për eliminimin e OE ankues është bere për shkak të anulimit të aktivitetit të prokurimit me arsyen se duhet të ndrrohet specifikimi teknik i një artikulli në një pozicion për shkak se është vërtet një gabim në bazë të cilit nuk mundën të pranohen artikuj të tilla.

RAPORTI I KOMISIONIT VLERËSUES

Duke u bazuar në raportin e vlerësimit, komisioni vlerësues ka konstatuar si në vijim:

(Të përshkruhet vetëm vlerësimi i ofertës së OE ankues/ofertave, për të cilat OE ankues ka pretendime ankimore).

Komisioni i vlerësimit pas kontrollimit dhe verifikimit të ofertave konkurruese, ka arritur në përfundim se aktiviteti i prokurimit duhet të anulohet me qëllim që të përmirësohet specifikimi teknik në një artikull.

INFORMACIONET SHITESË TË MARRA ME ANË TË SQARIMEVE TË KERKUARA NGA E EKSPERTËVE SHQYRTUES DHE / OSE TEKNIK

Nuk ka marrë eksperti shqyrtues informacion shtesë.

VLERËSIMI SIPAS NENIT 4.1.26 TË LPP-së

(Të jepet një vlerësim se OE ankues është apo nuk është palë me interes sipas nenit 4.1.26).

OE ankues është palë e interesit në këtë aktivitet të prokurimit.

VENDIMET E MËPARSHMETË PSH-së LIDHUR ME RASTET E NGJASHME

(Të sqarohet nëse për rastin e njëjti është dhënë vlerësim tjetër).

Nuk ka pasur vendim të mëparshëm për këtë aktivitet të prokurimit.

ARSYETIMI PËR DEVIJIM NGA PRAKTIKA E MËPARSHME

(Të sqarohet për rastin se pse është devijuar nga praktika e mëparshme).

Nuk kemi devijim nga praktikat e mëparshme.

PËRGJIGJE NË PRETENDIMET ANKIMORE TË OE “GIGI” SHP

Përgjigje në Pretendimin nr.1

Pretendimi i OE ankues është se AK e ka anuluar aktivitetin e prokurimit në kundërshtim me dispozitat e nenit 62 të LPP-se me arsyetim të plotësimit apo ndryshimit të specifikimit teknik, respektivisht pozicionit nr.6 Kushineta 6328 2Z C3 është bërë gabim teknik dhe duhet të jete kushineta 6328C3 standardi DIN 625-1 , në konstatojmë që refuzimi i ofertës tonë nga AK-es për shkak të këtyre mbyllëseve është edhe qesharak sepse nëse njëmend i nevojitet AK-es ky pozicion pa mbyllëse (pa 2Z) atëherë krejt çka u duhet është të ja heqin mbyllësen dhe ta instalojnë kushinetën. Lidhur me kete pretendim, eksperti shqyrtues ka kete mendim.

Anulimi i aktivitetit të prokurimit me qëllim të ndryshimi/plotësimit të specifikimit teknik apo dosjes së tenderit në përgjithësi, në fazën e vlerësimit të ofertave nuk lejohet me asnjë dispozite të nenit 62 të LPP-se. Nëse AK ka vrejtë se ndryshimi i specifikimit teknik është i nevojshëm për ndonjë arsye të caktuar të tyre apo si rezultat i kërkesave të OE, atëherë ndryshimi/plotësimi ka qenë dashtë të bëhet në fazën e marrjes së dosjes së tenderit, respektivisht para hapjes së ofertave ashtu siç parashihet me paragrafin 3.3 të nenit 108/A të LPP-se.

Arsyetimi i AK, se në formën siç është kërkuar Kushineta në pozicionin nr.6 është bërë gabim teknike nga AK, kjo nuk është bindes edhe në aspektin teknik për ekspertin shqyrtues. Meqenëse kushinetat mundën të perdoren edhe pa mbylleset (2Z) në mënyrën siç është kërkuar në specifikimin teknik të dosjes së tenderit, atëherë anulimi i aktivitetit të prokurimit nuk është i arsyeshëm por edhe në kundërshtim me nenin 62 të LPP-se. Prandaj eliminimi i ofertës së OE ankues pa asnjë arsyetim me qëllim të anulimit të aktivitetit të prokurimit bën ndesh edhe me dispozitat e nenit 59 të LPP-se. Mbi kete baze ky pretendim ankimor vlerësohet si i **bazuar**.

MENDIMI I EKSPERTIT SHQYRTUES

Autoriteti kontraktues ka bërë anulimin e aktivitetit me arsyetimin se duhet të bëjë plotësim /ndryshimi i specifikimit teknik për artikullin në pozicionin nr. 6. Procesit i ekzaminimit, vlerësimit dhe krahasimit të tenderëve nuk është bërë në përputhje me nenin 59 të LPP-se sepse oferta e OE ankues është eliminuar pa asnjë arsyetim ligjor. Plotësimi ndryshimi i specifikimit teknik në dosjen e tenderit ka mundur të bëhet para hapjes së ofertave, nëse ka qenë e nevojshme. Ndryshimet e dosjes së tenderit nuk mundën të bëhen në fazën e vlerësimit të ofertave. Po ashtu arsyetimi i plotësimit ndryshimit të specifikimit teknik, nuk janë bindes për mendimin e ekspertit shqyrtues sepse artikulli në fjalë është funksional edhe në formën siç është kërkuar nga AK. Me anulimin e aktivitetit të prokurimit nuk janë respektuar dispozitat e nenit 62 të LPP-se (përfundimi i aktivitetit të prokurimit)

Eksperti shqyrtues pas analizimit dhe shqyrtimit të pretendimit ankimor i propozon panelit shqyrtues që ankesa e OE ankues “GIGI” të **aprovohet** si e bazuar.

Eksperti shqyrtues në përputhje me nenin 114 pika 2 të LPP-së, rekomandon autoritetin kontraktues që të bëjë **Rivlerësimin** e ofertave për aktivitetin e prokurimit “**Furnizim Kushineta**” me nr. të prok. KEK-21-8268-121 në përputhje me dispozitat e LPP-së.

Raporti i ekspertizës ti dorëzohet:

- Autoritetit Kontraktues KEK,
- Panelit Shqyrtues OSHP dhe
- OE ankues “GIGI” SHPK